

JŌŌNN

gbouŋ nba pukin ŋanlee ki u din sob ki tur Masiaweira nae na

Ki jiin 2 Joonn gbouŋ na po

Joonn nba din tee Masiaweira saakɔɔ nae sob gbouŋ nba pukin ŋanlee na ki teen poo nan u waas, li paake tee Yiisaweira.

Gbounjinjin na tee baruŋo a bii loon bi leeb, ki bia tee kpaanii nba jiin faak wantteeb nan bi wannu po.

¹ Min Joonn nba tee Masiaweira saakɔɔ nae sobin gbouŋ na ki teen fin n niipoo nba ki Yennu ganna na, nan a waas. N looni nan barmonii, ŋaan min kuukɔɔ kaa loonini. Binba kur saak Yennu barmonii wannu na mun bia looni nnae. ² Min nan ŋamme looni, kimaan barmonii wannu be ti para ni ki sii yoo be ti ni mɔkmɔk nan mɔkmɔk.

³ Ti Baa Yennu nan u Bija Yiisa Masia lomm nan ninbatinu nan parmaasir-ii be nan timm nba mi barmonii ki loon leeb na.

Ki jiin lomm sɔnu po

⁴ N daan mɔk parpeenn bonchiann nan maa la a wasiat, ki bi waa barmonii wannu nba ki ti Baa Yennu sennit na. ⁵ N niipoo, n meia, ŋaant ki ti kur-ii loon ti naa walei. Linba na ki tee sennpaann kaa ki n sobina, ŋaan li tee sennu nba ki ti din doŋ gbat pinpiik niwa mɔkmɔk nan dinna nae. ⁶ Ti-i yoo saak Yennu sennu, ŋanne

want nan ti loonɔ nan monii, ki sennu maɲ nba ki ti din gbia pinpiik niwa mɔkmɔk nan dinna na, li sennu yaa tii waa lomm sɔnu.

Ki jiin kpinkpannii damm po

⁷ Tɔn, kpinkpannii damm bonchiann poɲ yat lokir kur po tingbouɲ na niwa, binba ki teen yada nan bi mar Yiisa ki u tee nisaarik na. Li nibooru tee kpinkpannii damme, ki bia tee Yiisa datai. ⁸ Li paak, ii mi man ki i tan kɔɲ linba ki i yiab li paak na, ki tan la i nyɔɔt kur Yennu boor.

⁹ Daansɔɔ nba ki gaan Yiisa Masia wannu bonɲann ɲaan pukii u mɔɲ yar, Yennu ki be nanɔ, ɲaan wunba saak wannu maɲ ki ki nyikiti, ti Baa Yennu nan u Bija Yiisa Masia be u ni. ¹⁰ Li-i tee ki daanɔ nba baar i boor, ki ki want Yiisa Masia wannu nba tooki, i daa gaanɔ i ɲei ni, ki taan daa foontɔ gbaa, ¹¹ kimaan wunba foontɔ, u mɔɲ taa daanɔ maɲ toonbiit poe na.

Mɔbonjoontii

¹² N mɔk mɔbona bonchiann ki loon ki n bo turi, ɲaan n ki loon ki n sob gbouɲ ni kaa ki turini. N mɔk dindann nan n saa baar ki gɔni, ki tin pak nan leeb, ki li-i tun nna, li saa maɲit bonchiann.

¹³ A niipoo nba ki Yennu gannɔ na waas foonta.

Yennu Gbouŋ Mɔɔr
Bimoba: Yennu Gbouŋ Mɔɔr Bible

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Sep 2022 from source
files dated 11 Jul 2022

00d89ba0-4677-52d9-9bc5-aa3d7c5c966d